

志卷第三

宋史五十

開府儀同三司柱國魯國重事節中書右丞相魯國公領軍都總裁長

勅修

天文三

二十八舍上

二十八舍

東方角宿二星為天關其間天門也其四天庭也故黃道經其中七曜之所行也左角為天田為理主司其南為太陽道右角為將主兵其北為太陰道蓋天之三門猶房之四表星明大吉王道大平賢者在朝動搖移徙王者行左角赤明獄平暗而微小王道失

陶隱居曰左角天津右角天門中為天關日食角宿王者惡之暈于角內有陰謀陰國用兵得地又主大赦月犯角大臣憂獄事法官憂黜又占憂在官中月暈其分兵起右角右將災左亦然或曰主水色黃有大赦月暈三重入天門及兩角兵起將失利歲星犯為饑熒惑犯之國衰兵敗犯左角有赦右角兵起守之讒臣進政事急居陽有喜填星犯角為喪一曰兵起太白犯角群臣有異謀辰星犯為小兵守之大水客星犯兵起五穀傷守七角色赤為旱守右角大水彗星犯之色白為兵赤所指破軍出角天下兵亂星孛

于角白為兵赤軍敗入天市兵變流星犯之外國使來入犯左角兵起雲氣黃白入右角得地赤入左有兵入右戰勝黑白氣入于右兵將敗

按漢永元銅儀以角為十三度而唐開元游儀角二星十二度舊經去極九十一度今測九十三度半距星正當赤道其黃道在赤道南不經角中今測在角赤道南二度半黃道復經角中即與天象合景祐測驗角二星十二度距南星去極九十七度在赤道外六度與乾象新書合今從新書為正

南門二星在庫樓南天之外門也主守兵禁星明則

遠方來貢暗則夷叛中有小星兵動客彗守之兵起
庫樓十星六大星庫也南四星樓也在角宿南一曰
天庫兵車之府也旁十五星三三而聚者柱也中央
四小星衡也芒角兵起星亡臣下逆動則將行實為
吉虛乃凶歲星犯之主兵熒惑犯之為兵旱月入庫
樓為兵彗孛入兵饑客星入夷兵起流星入兵盡出
赤雲氣入內外不安天庫生角有兵

平星二星在庫樓北角南主平天下法獄廷尉之象
正則獄訟平月暈獄官憂熒惑犯之兵起有赦彗星
犯政不行執法者黜

平道二星在角 宿間主平道之官武密曰天子八
達之衢王轍軾明正吉動搖法駕有虞歲星守之天
下治熒惑太白守為亂客星守車駕出行流星守去
賢用彗

天田二星在角北主畿內封域武密曰天子籍田也
歲星守之穀稔熒惑守之為旱太白守穀傷辰星守
為水災客星守旱蝗

天門二星在平星北武密云在左角南朝聘待客之
所星明萬方歸化暗則外兵至月暈其外兵起熒惑
入關梁不通守之失禮太白守有伏兵客星犯有謀

上者

進賢一星在平道西主卿相舉逸材明則賢人用暗則邪臣進太陰歲星犯之大臣死熒惑犯為喪賢人隱太白犯之賢人避歲星太白填星辰守之其占為天子求賢黃白紫氣貫之草澤賢人出

周鼎三星在角宿上主流亡星明國安不見則運不昌動搖國將移乾象新書引郊鄩定鼎事以周衰秦無道鼎淪泗水其精上為星李太白異曰商巫咸星圖已有周鼎蓋在秦前數百年矣

按步天歌庫樓十星柱十五星衡四星平星平道

天田天門各二星進賢一星周鼎三星俱屬角宿而晉志以左角為天田別不載天田二星隋志有之平道進賢周鼎晉志皆屬太微垣庫樓并衡星柱星南門天門平星皆在二十八宿之外唐武密及景祐書乃與步天歌合

亢宿四星為天子內朝總攝天下奏事聽訟理獄錄功一曰疏廟主疾疫星明大輔忠民安動則多疾為天子正坐為天符秋分不見則穀傷羅貴太陽犯之諸侯謀國君憂日暈其分大臣凶多雨民饑疫月犯之君憂或大臣當之左為水右為兵月暈其分先起

兵者勝在冬大人憂歲星犯之有救穀有成守之有
兵人多病留三十日以上有救又曰犯則逆臣為亂
熒惑犯居陽為喜陰為憂有芒角大人惡之守之六
民憂多雨水又為兵填星犯穀傷民亡逆行文專政
逆臣為謀守之有兵太白犯之國芒民災逆行為兵
亂有芒角貴臣戮守之有水旱災或為喪辰星犯之
為水又為大兵守之米貴民疾歲旱盜起民相惡客
星犯國不安色赤為兵旱黃為土功青黑使者憂守之
穀傷一云有赦令黑民流禁犯國災出則有水兵疫
臣叛曰為喪星孛犯國危為水為兵入則民流出則

其國饑流星入外國使來穀熟出為天子遣使赦令
出李淳風曰流星入亢幸臣死雲氣犯之色蒼民疫
白為土功黑水赤兵一云白民虐疾黃土功

右亢宿四星漢永元銅儀十度唐開元游儀九度
舊去極八十九度今九十一度半景祐測驗亢九
度距南第二星去極九十五度

大角一星在攝提間天工坐也又為天棟正經紀也
光明潤澤為吉青為憂赤為兵白為喪黑為疾色黃
而靜民安動則人主好游月犯之大臣憂王者惡之
月暈其分人主有服五星犯之臣謀主有兵太白守

之爲兵彗星出其分主更改或爲兵天子失仁則守
之字星犯爲兵守之主憂客星犯守臣謀上出則人
主受制流星入王者惡之犯之邊兵起雲氣青主憂
白爲喪黃氣出有喜

折威七星在亢南主斬殺斷軍獄月犯之天子憂五
星犯將軍叛彗字犯邊將死雲氣犯蒼白兵亂赤臣
叛主黃白爲和親出則有赦黑氣入人主惡之

攝提六星左右各三直斗杓南主建時節伺機祥其
星爲楯以夾擁帝坐主卿星明大三公恣主弱色溫
不明天下安近大角近威有謀太陰入主受制月食

其分主惡之熒惑太白守兵起天下更主彗字入主
自將兵出主受制流星入有兵出有使者出犯之公
卿不安雲氣入赤爲兵九卿憂色黃喜黑大臣戮
陽門二星在庫樓東北主守隘塞禦外寇五星入五
兵藏彗星守之外夷犯塞兵起赤雲氣入主用兵
頓頑二星在折威東南主考囚情狀察詐僞也星明
無咎暗則刑濫彗星犯之貴人下獄

按步天歌大角一星折威七星左右攝提總六星
頓頑陽門各二星俱屬角宿而晉志以大角攝提
屬太微垣折威頓頑在二十八宿之外陽門則見

於隋志而晉史不載武密書以攝提折威陽門皆屬角亢乾象新書以右攝提屬角左攝提屬亢餘與武密書同景祐測驗乃以大角攝提頓頑陽門皆屬於亢其說不同

氏宿四星為天子舍室后妃之府休解之房前二星適也後二星妾也又為天根主疫後二星大則臣奉度主安小則臣失勢動則徃役起日食其分卿相有讒諛一曰王者后妃惡之大臣憂日暈女主恣一曰國有憂日下興師月食其宿大臣凶后妃惡之一曰糴貴月暈大將凶人疫在冬為水主危以赦解之月

犯左右即將有誅一曰有兵盜犯右星主水掩之有陰謀將軍當之歲星犯有赦或立后守之地動年豐逆行為兵熒惑犯之臣僭一云將軍憂守有赦填星犯左右即將有誅守之有赦色黃后喜或冊太子留舍天下有兵齊明赦太白犯之即將誅入其分疾疫或云犯之拜將乘右星水災辰星犯貴臣暴憂守之為水為旱為兵入守貴人有獄乘左星天子自將客星犯牛馬貴色黃白為喜有赦或曰邊兵起後宮亂五十日不去有刺客彗星犯有大赦糴貴出則有赦入為入有小兵一云主不安孛星犯糴貴出則有赦入為

小兵或云犯之臣干主流星犯秘閣官有事在冬夏
為水旱乙巳占後官有喜色赤黑後宮不安雲氣入
黃為土功黑主水赤為兵蒼白為疾疫白後宮憂

按漢永元銅儀唐開元游儀氏宿十六度去極九
十四度景祐測驗與乾象新書皆九十八度

天乳一星在氏東北當赤道中明則甘露降彗客入
天雨

將軍一星騎將也在騎官東南總領車騎軍將部陣
行列色動搖兵外大行白熒惑客星犯之大出兵天下亂
招搖一星在梗河北主北兵芒角變動則兵大行明

則兵起若與棟星梗河北斗相直則北方當來受命

中國又占動則近臣離離次則庫兵色青為憂白為

君怒赤為兵黑為軍破黃則天下安彗星犯北邊兵

動出其分夷兵大起守犯蠻夷亂客星出蠻夷來貢

一云北地有兵喪流星出有兵雲氣犯色黃白相死

赤為內兵亂色黃兵罷白大人憂

帝席三星在大角北主宴獻酬酢星明王公災暗天

下安星亡大人失位動搖主危彗犯主憂有亂兵客

星犯主危

亢池六星在亢宿北亢舟也池水也主渡水往來送

逆微細內散則天下不通移徙不居其度中則宗廟有怪五星犯之川溢客星犯水蟲多死武密云主斷軍獄掌棄市殺戮與舊史異說

騎官二十七星在氏南天子虎賁也主宿衛星衆天下安稀則騎士叛不見兵起五星犯爲兵客星守之將出有憂士卒發流星入兵起色蒼白將死

梗河三星在帝席北天子也一曰天鋒主北邊兵又主喪故其變動應以兵喪星亡國有兵謀彗星犯之北兵敗客星入兵出陰陽不和一云北兵侵中國流星出爲兵赤雲氣犯於敗蒼白將死

車騎三星在騎官南總車騎將主部陣行列變色動挫則兵行太白熒惑客星犯之大兵出天下亂陣軍三星在氏南一云在騎官東北革車也太白熒惑守之主車騎滿野內兵無禁

天輻二星在房西斜列主乘輿若周官巾車官也近尾天下有福五星客彗犯之則輦輶有變一作天福按步天歌已上諸星俱屬氏宿乾象新書以帝席屬角亢池屬亢武密與步天歌合皆屬氏而以梗河屬亢占天錄又以陣車屬於亢乾象新書屬氏餘皆與步天歌合

房宿四星為明堂天子布政之宮也亦四輔也下第一星上將也次次將也次次相也上星上相也南二星君位北二星夫人位又為四表中為天衢為天關黃道之所經也南間曰陽環其南曰太陽北間曰陰環其北曰太陰七曜由乎天衢則天下和平由陽道則旱喪由陰道則水兵亦曰天駟為天馬主車駕南星曰左驂次左服次右服次右驂亦曰天廐又主開閉為畜藏之所由星明則王者明驂大則兵起星離則民流左驂服亡則東南方不可舉兵右亡則西北不可舉兵日食其分為兵大臣專權日暈亦為兵君

臣失政女主憂月食其宿大臣憂又為王者昏大臣專政月暈為兵三宿上赦及五舍不出百日赦太陰犯陽道為旱陰道為雨中道歲稔又占上將誅當天門天駟穀熟歲星犯之更政令又為兵為饑民流守之大赦天下和平一云良馬出熒惑犯馬貴人主憂色青為喪赤為兵黑將相災白芒火災守之有赦令十日勾己者臣叛填星犯之女主憂凶相有誅守之土功興一曰旱兵一曰有赦太白犯四邊合從守之為土功出入霜雨不時辰星犯有殃守之水災一云北兵起將軍為亂客星犯歷陽道為旱陰道為水

國空民饑色白有攻戰入爲糴貴彗星犯國危人亂其分惡之孛星犯有兵民饑國災流星犯之在春夏爲土功秋冬相憂入有喪乙巳占出其分天子恤民下德令雲氣入赤黃吉如人形后有子色赤宮亂蒼白氣出將相憂

按漢永元銅儀唐開元游儀房宿五度舊去極百八度今百十度半景祐測驗房距南第二星去極百十度在赤道外二十三度乾象新書在赤道外二十四度

鍵閉一星在房東北上關箭明吉暗則宮門不禁月

犯之大臣憂火災歲星守之王不宜出填星占同太白犯將相憂彗惑犯主憂彗星客星守之道路阻兵起一云兵滿野

鈞鈐二星在房北鈐鍵天之管籥王者至孝則明又

曰明而近房天下同心房鈞鈐間有星及踈拆則地動河清月犯之大人憂車駕行日食其分將軍死歲星守之爲饑去其宿三寸王失政近臣起亂彗惑守之有德令太白守喉舌憂填星守王失土彗星犯宮庭失業客星流星犯王有奔馬之敗東咸西咸各四星東咸在心北西咸在房西北日月

五星之道也為房之戶以防淫泆也明則信吉東咸
近鈎鈐有讒臣入西咸近上及動有知星者八月五
星犯之有陰謀又為女主失禮民饑災惑犯之臣謀
上與太白同犯兵起歲星填星犯之有陰謀流星犯
后妃恣王有憂客星犯主失禮后死恣

罰三星在東西咸正南王文金罰贖曲而斜列則刑
罰不中彗星客星犯之國無政令憂多枉法

日一星在房宿南太陽之精主昭明令德明大則君
有德令月犯之下謀上戕星守王得忠臣陰陽和四
夷質五穀豐太白熒惑犯之主有憂客星彗星犯之

王失位

從官二星在房宿西南主疾病巫醫明大則巫者擅
權彗孛犯之巫臣作亂雲氣犯黑為巫神戮黃則受
爵

按步天歌以上諸星俱屬在房日一星晉隋志皆
不載以他書考之雖在房宿南實入氐十二度半
武密書及朝象新書惟以東咸屬心西咸屬房與
步天歌不同餘皆暗合

心宿三星天三正位也中星曰明堂天子位為大辰
王天下之賞罰前星為太子後星為庶子星直則王

共勢明大天下同心天下變動心星見祥搖動則兵
離民流日食其分刑罰不中將相疑民饑兵喪日暈
王者憂之月食其宿王者惡之二公憂下有喪月暈
為旱穀貴蟲生將凶與五星合大凶大陰犯之大臣
憂犯中央及前後星主惡之出心大星北國旱出南
君憂兵起歲星犯之有慶賀事穀豐華夷奉化色不
明有喪旱災惑犯之大臣憂貫心為饑與太白俱守
為喪又曰災惑居其陽為喜陰為憂又曰守之主易
政犯為民流大臣惡之守星南為水北為旱逆行
大臣亂填星犯之大臣喜穀豐守之有主功留舍三

十日有赦居父人主賢中犯明堂火災逆行女主干
政太白犯糴貴將軍憂有水災不出一年有大兵舍
之色不明為喪逆行環繞大人惡之辰星犯明堂則
大臣當之在陽為燕在陰為塞北不則地動大雨守
之為水為盜客星犯之為畢守之為火災舍之則糴
貴民饑彗星犯之大臣相疑守之而出為蝗饑又曰
為兵星孛其分有兵喪民流流星犯臣叛入之外國
使來色青為兵為憂黃有土功黑為凶雲氣入色黃
子孫喜白亂臣在側黑太子有罪

按漢永元銅儀唐開元游儀心三星皆五度去極

百八度景祐測驗心三星五度距西第一星去極百十四度

積卒十二星在房西南五營軍士之象主衛士掃除不祥星小爲吉明則有兵一星亡煥出二星亡兵半出三星亡兵盡出五星守之兵起不則近臣誅彗星客星守之禁兵大出天子自將雲氣犯之青赤爲大臣持政欲論兵事

按步天歌積卒十二星屬心晉志在二十八宿之外唐武密書與步天歌合乾象新書乃以積卒屬房宿爲不同今兩存其說

尾宿九星爲天子後宮亦主后妃之位第一星后也次三星夫人次星嬪妾也亦爲九子均明大小相承則後宮有序子孫蕃昌明則后有喜穀熟不明則后有憂穀荒日食其分將有疾在燕風沙兵喪後宮有憂人君戒出口暈女主喪將相憂月食其分貴臣犯刑後宮有憂月暈有疫大赦將相憂其分有水災后妃憂太陰犯之臣不和將有憂歲星犯穀貴入之妾爲嫡臣專政守之旱火災熒惑犯之有兵留二十日水災留三月客兵聚入之人相食又云宮內亂填星犯之色黃后妃喜入爲兵饑盜賊逆行妾爲女主守

之而有芒角更姓易政太白犯入大臣起兵久留為
水災出入舍守糴貴兵起後宮憂失行軍破城亡辰
星犯守為水災民疾後宮有罪者兵起入則萬物不
成民疫客星犯入宮人惡之守之賤女暴貴出則為
風為水後宮惡之兵罷民饑多死彗星犯后惑主宮
人出兵起宮門多土功出入貴臣誅有水災守犯多
土功大臣誅守宮人出出為大水民饑流星入犯色
青舊臣歸在春夏後宮有口舌秋冬賢良用事出則
後宮喜有子孫色白後宮妾死出入風雨時穀熟入
后族進祿青黑則后妃喪雲氣入色青外國來降出

則臣有亂赤氣入有使來言兵黑氣入有諸侯客來

按漢永元銅儀尾宿十八度唐開元游儀同舊去

極百二十度一云百四十度一云百一十四度景祐

測驗亦十八度距西行從西第二星去極百二十

八度在赤道外二十二度乾象新書二十七度

神宮一星在尾宿第三星旁解衣之內宮也

天江四星在尾宿第五大陰明動為水兵起星不具

則津梁不通參差馬貴月犯為兵為臣疆河津不通

災惑犯大旱守之有立主太白犯暴水彗星犯為大

兵客星入河津不通流星犯為水為饑赤雲氣犯車

卷之四十四

守宿宿六宿

騎出青為多水黃白天子用事兵起入則兵器
傳說一星在尾後河中主章祝官也一曰後宮女巫
也司天王之內祭祀子孫明大則言三者多子孫輔
佐出不明則天下多穰祠亡則社稷無主入尾下多
祀祀左氏傳天策焯焯即此星也彗星客星守之天
子不享宗廟赤雲氣入巫祝官有誅者

魚一星在尾後河中主陰事知雲雨之期明大則河
海水出不明則陰陽和多魚亡則魚少動搖則大水
暴出此則河大魚多死月暈或犯之則旱魚死災感
犯其陽為旱陰為水填星守之為旱赤雲氣犯出兵

起將憂入兵罷黃白氣出兵起

龜五星在尾南主卜以占吉凶日明君臣和不明則

上下垂災惑犯為旱守為火客星入為水憂流星出

色赤黃為兵青黑為水各以其國言之赤雲蠡卜祝

官憂

按神宮傳說魚一星天江四星龜五星步天歌與

他書皆屬尾而晉志列天江於天市垣以傳說魚

龜在二十八宿之外其說不同

箕宿四星為後宮妃后之府亦曰天津一曰天鷄主

八風又主口舌主蠻夷星明大穀熟不正為兵離徒

天下不安中星衆亦然糴貴凡日月宿在箕壁翼軫者皆爲風起舌動三日有大風日犯或食其宿將疾倭臣害忠良皇后憂大風沙日暈國有妖言月食爲風爲水旱爲饑后惡之月暈爲風穀貴大將易又王者納后月犯多風糴貴爲旱女主憂君將死后宮干政歲星入宮內口舌歲熟在箕南爲旱在此爲有年守之多惡風穀貴民饑死癸惑犯地動入爲旱出則有赦又守爲水逆行諸侯相謀人主惡之填星犯女主憂又留有赦守之后喜功色黃光潤則太后喜又粘有水守九十日人流兵起蝗太白犯女主喜入則

有赦出爲土功糴貴守之爲旱爲風民疾出入留箕五穀不登多蝗辰星犯有赦守則爲旱動搖色青臣自戮又占爲水溢旱火災穀不成客星入犯有土功宮女不安民流守之爲饑色赤爲兵守其北小熟東大熟南小饑西大饑出其分民饑大臣有棄者一云守之秋冬水災彗星犯守東夷自滅出則爲旱爲兵北方亂孛犯爲外夷亂糴貴守之外夷災出爲穀貴民死流亡春夏犯之金玉貴秋冬土功興入則多風雨色黃外夷來貢雲氣出色蒼白國災除入則蠻夷來見出而色黃有使者出箕口歛爲雨開爲多風少

雨

按漢永元銅儀箕宿十度唐開元游儀十一度舊去極百十八度今百二十度景祐測驗箕四星十度距西北第一星去極百二十三度

糠一星在箕舌前杵西北明則豐熟暗則民饑流亡杵三星在箕南主給庖春動則人失金甌縱則豐橫則大饑亡則歲荒移徙則人失業災或守民流客星犯守歲饑彗孛犯天下有急兵

按晉志糠一星杵二星在二十八宿之外乾象新書與步天歌皆屬箕宿

北方南斗六星天之貴祿府主天子壽筭為宰相爵祿之位傳曰天廟也丞相太宰之位衰賢進士稟受爵祿又主兵一曰天機南二星魁天梁也中央二星天相也北二星天府廷也又謂南星者魁星也北星杓也第一星曰北亭一曰天開一曰鐵鑕石申曰魁第一主吳二會稽三丹陽四豫章五廬江六九江星明盛則王道和平帝王長齡將相同心不明則大小失次芒角動搖國失忠臣兵起民愁日食在斗將相憂兵起皇后災吳分有兵日暈宰相憂宗廟不安月食其分國饑小兵后人憂月暈大將死穀不生月

犯將臣黜風雨不時大臣誅一歲三入大赦又占入
為女主憂趙魏有兵色惡相死歲星犯有赦久守水
災穀貴守及百日兵用大臣死焚惑犯有赦破軍殺
將火災入二十日糴貴四十日有德令守之為兵盜
久守災甚出斗上行天下憂不行臣憂入内外有謀
守七日太子疾填星犯為亂入則失地逆行地動出
入留二十日有大喪守之六臣叛又占逆行先水後
早守之國多義士太白犯之有兵臣叛留守之破軍
殺將與火俱入白爍臣子為逆久則禍六辰星犯水
穀不成有兵守之兵喪客星犯兵起國亂入則諸侯
相攻多盜大旱宮廟火穀貴七日不去有赦彗星犯
國主憂出則其分有謀又為水災宮中火下謀上有
亂兵入則為火大臣叛守犯入下謀上有亂兵出則
為兵為疾國憂流星入蠻夷來貢犯之宰相憂在春
天子壽夏為水秋則相黜冬大臣逆色赤而出斗者
大臣死雲氣入蒼白多風赤旱出有兵起宮廟火入
有兩赤氣兵黑主病

接漢永元銅儀斗二十四度四分度之一唐開元
游儀二十六度去極百十六度今百十九度景祐
測驗亦二十六度距魁第四星去極百二十二度

鼈十四星在南斗南主水族不居漢中川有易者災
惑守之為旱辰星守為火客星守為水流還出色青
黑為水黃為旱雲氣占同一曰有星守之白及會主
有水

天淵十星一曰天池一曰天泉一曰天海在鼈星東
南九坎間又名太陰主灌漑黼五星守之大水河決
災惑入為旱客星入海魚出彗星守之川溢傷人
狗二星在南斗魁前主吠守以不居常處為災災惑
犯之為旱客星入多土功北邊饑守之守禦之臣作
亂

建六星在南斗魁東北臨黃道一曰天旗天之都關
為謀事為天鼓為天馬南二星天庫也中二星市也
鐵鑽也土二星為旗跗斗建之間三光道也主司七
曜行度得失十一月甲子天正冬至大曆所起宿也
星動人勞役月犯之臣更天子法掩之有降兵月食
其分皇后娣姪當黜月暈大將死五穀不成蛟龍見
牛馬疫月與五星犯之大臣相譖有謀亦為國梁不
通大水歲星守為旱糴貴死者衆諸侯有謀入則有
兵災惑守之臣有黜者諸侯有謀糴貴入則關梁不
通馬貴守旗跗三十日有兵填星守之王者有謀太

白守外國使來辰星守為水災米貴多病彗孛客星
犯之王失道忠臣黜客星守之道路不通多盜流星
入下有謀色赤昌

天弁九星併辨在建星北市官之長主列肆闐闐市

籍之事以知市珍也明盛則萬物昌不明及彗客犯

之羅貴又守之囚徒起兵

天鷄二星在牛西一在狗國北王異鳥一曰主候時

熒惑舍之為旱鷄多夜鳴太白熒惑犯之為兵填星

犯之民流亡客星犯水旱失時入為大水

狗國四星在建星東南主三韓鮮卑烏桓獯狁沃且

之屬星不具天下有盜不明則安明則遠遠起月

之烏桓鮮卑國亂熒惑守之外夷兵起太白守之鮮

卑受攻客星守其王來中國

天筭八星在南斗杓第二星西主開閉門戶明則吉

不備則闕筭無筭客星彗星守之關梁閉塞

農丈人一星在南斗西南老農主稼穡者又主先農

農正官星明歲豐且暗則民失業移徙歲饑客星彗星

守之民失耕歲荒

按步天歌已上諸星皆屬南斗晉志以狗國天鷄

天弁天筭建星皆屬天市垣餘在二十八宿之外

乾象新書以天籥農文入屬箕武密又以天籥屬
尾互有不同

牛宿六星天之關梁主犧牲事其北二星一曰即路
一曰聚火又曰上一星主道路次二星主關梁次三
星主南越明大則王道昌關梁通牛貴怒則馬貴動
則牛災多死始出而色黃大豆賊赤則豆有蟲青則
大豆貴星直糴賤曲則貴日食其分兵起暈為陰國
憂兵起月食有五帝為水災女子貴五穀不成牛多
暴死小兒多疾月暈在冬三月百四日外有赦暈
中央大星天將被戮月犯之有水牛多死其國有憂

歲星入犯則諸侯失期留守則牛多疫五穀傷在牛
東不利小兒西主風雪北為民流逆行宮中有火居
三十日至九十日天下和平道德明正熒惑犯之諸
侯多疾臣謀主守則穀不成兵起入或出守斗南赦
填星犯之有土功守之雨雪民人牛馬病太白犯之
諸侯不通守則國有兵起入則為兵謀人多死辰星
犯敗軍移將臣謀主客星犯守之牛馬貴越地起兵
出牛多死地動馬貴彗星犯之吳分兵起出為糴貴
牛死孛犯改元易號糴貴牛多死吳越兵起下當有
自立者流星犯之王欲改事春夏穀熟秋冬穀貴色

黑牛馬昌關梁入貢雲氣蒼白橫貫有兵喪赤亦爲
兵黃白氣入牛蕃息黑則牛死

按漢永元銅儀以牽牛爲七度唐開元游儀八度
舊去極百六度今百四度景祐測驗牛六星八度
距中央大星去極百十度半

天田九星在斗南一曰在牛東南天子畿內之田其
占與角北天田同客星犯之天下憂彗字犯守之農
夫失業

河鼓三星在牽牛西北主天鼓蓋天子及將軍鼓也
一曰三鼓主天子三軍中央大星爲大將軍左星爲

左將軍右星爲右將軍左星南星也所以備關梁而
拒難也設守險阻知謀徵也鼓欲正直而明色黃光
澤將吉不正爲兵憂星怒則馬黃動則兵起曲則將
失計奪勢有芒角將軍凶猛象也動搖差度亂兵起
月犯之軍敗亡五星犯之兵起彗星客星犯將軍被
戮流星犯諸侯作亂黃白雲氣入之天子喜赤爲兵
起出則戰勝黑爲將死青氣入之將憂出則禍除
左旗九星在河鼓左旁右旗九星在牽牛北河鼓西
南天之鼓旗旌表也主聲音設險知敵謀旗星明大
將吉五星犯守兵起

織女三星在天市垣東北一曰在天紀東天女也主
果蓏絲帛珍寶王者至孝神祇咸喜則星俱明天下
和平星怒而角布帛貴陶隱居曰常以十月朔至六
七日晨見東方色赤精明者女工善星亡兵起女子
為候織女足常向扶筐則吉下向則絲綿大貴月暈
其分兵起熒惑守之公主憂絲帛貴兵起彗星犯后
族憂星守則有女喪客星入色青為饑赤為兵黃為
旱白為喪黑為水流星入有水盜女主憂雲氣入蒼
白女子憂赤則為女子兵死色黃女有進者
漸臺四星在織女東南臨水之臺也主剝漏律呂事

明則陰陽調而律呂和不明則常漏不定客星彗星
犯之陰陽反矣

輦道五星在織女西主王者游嬉之道漢輦道通南
北宮其象也太白熒惑守之御路兵起

九坎九星在牽牛南主溝渠導引泉源疏瀉盈溢又
主水旱星明為水災微小言月暈為水五星犯之水
溢客星入天下憂雲氣入青為旱黑為水溢

羅堰三星在牽牛東拒馬也主隄塘壅蓄水源以灌
漑也星明大則水泛溢

天桴四星在牽牛東北橫列一曰在左旗端鼓桴也

主漏刻暗則刻漏失時武密曰主桴鼓之用動桴則
軍鼓用前近河鼓心桴鼓相直皆為桴鼓用太白熒
惑守之兵鼓起客星犯之主刻漏失時

按步天歌已上諸星俱屬牛宿晉志以織女漸臺
輦道皆屬太微垣以河鼓左旗右旗天桴屬天市
垣餘在二十八宿之外武密以左旗屬箕屬斗右
旗亦屬斗漸臺屬斗又屬牛餘與步天歌同乾象
新書則又以左旗織女漸臺輦道九坎皆屬於斗
須四女星天之少府賤妾之稱婦職之卑者也主布
帛裁製嫁娶星明天下豐文巧國富小而不明反是

日食在女戒在巫祝后妃禱祠又占越分饑后妃疾
日暈後宮及女主惡月食為兵旱國有憂月暈有兵
謀不成兩重三重女主死月犯之有女惑有兵不戰
而降又曰將軍死歲星犯之后妃喜外國進女守之
多水國饑喪糴貴民大災熒惑犯之大臣皇后憂布
帛貴民大災守之士人不安五穀不熟民疾有女喪
又為兵入則糴貴逆行犯守大臣憂居陽喜陰為憂
填星犯守有苛政山水出壞民舍女謁行右專政多
妖女留五十日民流亡太白犯之布帛貴兵起天下
多寡女留守有女喪軍發辰星犯國饑民疾守之天

下水有赦南地火北地水又兵起布帛貴客星犯兵起女人爲亂守之宮人憂諸侯有兵江淮不通糴貴彗星犯兵起女爲亂出爲兵亂有水災米鹽貴星孛其分兵起女爲亂有奇女來進出入國有憂王者惡之流星犯天子納美女又曰有貴女下獄摠須女女主死乙巳占出入而色黃潤立死而白爲後宮妾死雲氣入黃白有嫁女事白爲女多病黑爲女多死赤則婦人多兵死者

按漢永元銅雀以須女爲十一度景祐測驗十二度距西南星去極百五度在赤道外十四度

十二國十六星在牛女南近九坎各分土居列國之象九坎之東一星曰齊齊北二星曰趙趙北一星曰鄭鄭北一星曰越越東二星曰周周東南北列二星曰秦秦南二星曰代代西一星曰晉晉北一星曰韓韓北一星曰魏魏西一星曰楚楚南一星曰燕有變動各以其國占之陶隱居曰越星在婺女南鄭一星在越北趙二星在鄭南周二星在越東楚一星在魏西南燕一星在楚南韓一星在晉北晉一星在代代北代二星在秦南齊一星在燕東離珠五星在須女北須女之藏府女子之星也又曰

主天子旒珠后夫人環珮去陽旱去陰潦客星犯之
後宮有憂

與仲四星在天津北主帝車之官凡太白熒惑守之
為兵祥

天津九星在虛宿北橫河中一曰天漢一曰天江主
四瀆津梁所以度神通四方也一星不備津梁不通
明則兵起參差馬貴大則水災移則水溢彗孛犯之
津敗道路有賊客星犯橋梁不修守之水道不通船
貴流星出必有使出隨分野占之赤雲氣入為旱黃
白天子有德令黑為大水色蒼為水為憂出則禍除

敗瓜五星在匏瓜星南主修瓜果之職與匏瓜同占

匏瓜五星

一在離珠北

天子果園也其西觜星主

後宮不明則后失勢不具或動搖為盜光明則歲豐
暗則果實不登彗孛犯之近臣僭有戮死者客星守
之魚鹽貴山谷多水犯之有游兵不戰蒼白雲氣入
之果不可食青為天子攻城邑黃則天子賜諸侯果
黑為天子食果而致疾

扶筐七星為盛桑之器主勸蠶也一曰供奉后與夫
人之親蠶明吉暗凶移徙則女工失業彗星犯將叛
流星犯絲綿大貴

按步天歌已上諸星俱屬須女而二十國及奚仲匏瓜敗瓜等星晉志不載隋志有之晉志又以離珠天津屬天市垣扶筐屬太微垣乾象新書以周越齊趙屬牛秦代韓魏燕晉楚鄭屬女武密以離珠匏瓜屬牛又屬女以奚仲屬危乾象新書以離珠匏瓜屬牛敗瓜屬斗又屬牛以天津西一星屬斗中屬牛東五星屬女

虛宿二星為虛堂冢宰之官也主死喪哭泣又主北方邑居廟堂祭祀祝禱事宋均曰危上一星高旁兩星下似蓋屋也蓋屋之下中無人但空虛似乎殯官

主哭泣也明則天下安不明為旱歉斜上下不正享祀不恭動將有喪日食其分其邦有喪日暈民饑后妃多喪月食主刀劔官有憂國有喪月暈有兵謀風起則不成又為民饑月犯之宗廟兵動又國憂將死歲星犯民饑守之失色天王改服與填星同守水旱不時熒惑犯之流血滿野守之為旱民饑軍叛入為火災功成見逐或勾巳大人戰不利填星犯之有急令行疾有客兵入則有赦穀不成人不安守之風雨不時為旱米貴大人欲危宗廟有客兵太白犯下多孤寡兵喪出則政急守之臣叛君入則大臣下獄辰

星犯春秋有水守之亦為水災在東為春水南為夏
水西為秋水北冬有雷雨水客星犯糴貴守之兵起
近期一年遠則二年有哭泣事出為兵喪彗星犯之
國凶有叛臣出為野戰流血出入有兵起芒燄所指
國必亡星孛其宿有哭泣事出則為野戰流血國有
叛臣流星犯光潤出入則冢宰受賞有赦令色黑大
臣死入而色青有哭泣事黃白有受賜者出則貴人
求醫藥雲氣黃入為喜蒼為哭赤火黑水白有幣客
來

按漢永元銅儀以虛為十度唐開元游儀同舊去

極百四度今百一度景祐測驗距南星去極百三
度在赤道外十二度

司命二星在虛北主舉過行罰滅不祥又主死亡逢

星出司命王者憂然曰宜防祿惑

司祿二星在司命北主增年延德又主掌功賞食料
官爵

司危二星在司祿北主婚失正下又主樓閣臺榭死
喪疏亡

司非二星在司危北主嗣候內外察德克主過失乾
象新書命祿危非八星主天子已下壽命爵祿安危

是非之事明大為災居常為吉

哭二星在虛南主哭泣死喪月五星彗字犯之為喪

泣二星在哭星東與哭同也

天壘城十三星在泣南園如大錢形若貫索主鬼

方北邊丁零類所以候興敗存亡後感入守夷人犯

塞客星入北方候亦雲氣掩之北方驚滅有疾疫

離瑜三星在十二國東乾象新書在天壘城南離主

衣也喻王飾皆婦人見舅姑衣服也微則後宮儉約

明則婦人奢縱客星彗星入之後宮無禁

敗曰四星在虛危南兩兩相對主敗亡災害石申曰

一星不具民賣飭釜不見民去其鄉五星入除舊布

新客星彗星犯之民饑流亡黑氣入主憂

按步天歌已上諸星俱屬虛宿司命司祿司危司

非離瑜敗曰晉志不載然志有之乾象新書以司

命司祿司危司非屬鎮女泣星敗曰屬危武密書

與步天歌合

危宿三星在天津東南為天子宗廟祭祀又為天子

土功又主天府天市架屋受藏之事不明客有謀士

功興動或暗登宮室有兵事日食陵廟雖有大喪有

叛臣日暈有喪月食大臣憂有喪宮殿訛月暈有兵

字三... 卷之... 文中之... 刑

喪亦用兵者與月犯之官殿陷臣叛
來歲羅貴有
大喪歲星犯守為兵殺擄多土功有哭泣事又多盜
災或犯之有赦守之人多疾兵動諸侯謀叛宮中火
災守上星人民死中星諸侯死下星大臣死各期百
日十日守三十日東兵起歲早近臣入為兵有變
更之令填星守之為旱民疾上功與國大戰犯之皇
后憂兵喪出入留舍國亡地有流血入則大亂賊臣
起太白犯之為兵一曰無兵兵起有兵兵能五穀不
成多火災守之將憂又為旱為火令日之有急事辰星
犯之大臣誅法官憂國多災守之四下叛一云皇后
疾兵喪起客星犯有哭泣一曰多雨水穀不收入之
有土功或三日有赦出則多雨水五穀不登守之國
敗民饑彗星犯之下有叛臣兵起出則將軍出國易
政大水民饑亭犯國有叛者兵起流星犯之春夏為
水災秋冬為口舌入則下謀上抵危北地交兵乙巳
占流星出入色黃潤人民安穀熟土功興色黑為水
大臣災雲氣入蒼白為土功青為國憂黑為水為喪
赤為火白為憂為兵黃出入為喜

按漢永元銅儀以危為十六度唐開元游儀十七
度舊去極九十七度距南星去極九十八度在赤

道外七度

虛梁四星在危宿南主園陵廟禱祝非人所處故曰

虛梁一曰宮宅屋幃帳寢太白熒惑犯之為兵彗孛

犯兵起宗廟改易

天錢十星在北落師門西北主錢帛所聚為軍府藏

明則庫盈暗為虛太白熒惑守之盜起彗孛犯之庫

藏有賊

墳墓四星在危南主山陵悲慘死喪哭泣六曰墳小

曰墓五星守犯為人主哭泣之事

杵三星在人星東一在白星北主春軍糧不具則民

賣餽釜

曰四星在杵星下一在危東杵曰不明則民饑星衆

則歲樂疏為饑動搖亦為饑杵直下對白則吉不相

當則軍糧絕縱則言橫則荒又白星覆歲饑仰則歲

熟三星犯之民饑文起天下急客星守之天下聚會

米粟

蓋星二星在危宿南九度主治官宮五星犯之兵起

彗孛犯守兵變尤甚

造父五星在傳舍南一曰在騰蛇七御官也一曰司

馬或曰伯樂三御管馬廐馬乘轡勒屬兵起馬貴

星亡焉大貴三客入之僕御謀三有動死者一曰兵
記守之安動厥焉出

人五星在虛是車府東加人形一曰主焉民素遠能
通又曰野星主夜行以防淫入星亡則有詐作詔者
又為婦人之亂星不具王子有憂守犯人多疾
疫

車府七星在天津東近河東西列主車府之官又主
賓客之節是光明潤澤必有外賓車駕華潔安感守
之兵動守犯之兵車出

鈞九星在道父西河中如鈞狀星直則地動他星守

占同一曰主輦與服飾明則服飾正

按步天歌已上諸星俱屬危宿晉志不載人星車
府隋志有之杵曰星晉隋志皆無造父鈞星晉志
屬紫微垣蓋屋虛梁天錢在二十八宿外軋象新
書以車府西四星屬虛東三星屬危武密書以造
父屬危又屬室餘皆與步天歌合按軋象新書又
有天綱一星在危宿南入危八度去極百三十二
度在赤道外四十一度晉隋志及諸家星書皆不
載止載危室二宿間與北落師門相近者近世天
文乃載此一星在鬼柳間與外厨天紀相近然新

書兩天綱雖同在危度其說不同今姑附于此
營室二星天子之宮一曰玄宮一曰清廟又為軍糧
之府主土功事一曰室一星為天子宫一星為太廟
為王者三軍之廩故置羽林以衛又為離宮閣道故
有離宮六星在其側一曰定室詩曰定之方中也星
明國昌不明而小祠祀鬼神不享動則有土功事不
具憂子孫無芒不動天下安日食在室國君憂王者
將兵一曰軍絕糧士卒亡日暈國憂女主憂黜月
食其分有土功歲饑月暈為水為火為風月犯之為
土功有哭泣事歲星犯之有急而為兵入天子有赦

爵祿及下舍室東民多死舍北民憂又曰守之宮中
多火災主不安民疫癘惑犯歲不登守之有小災為
旱為火糴貴逆行守之臣謀叛入則創改宮室成勾
巳者主失宮填星犯為兵守之天下不安人主徙宮
后夫人憂闕梁不通貴人多死久守大人惡之以救
解吉逆行女主出入恣番六十日土功興太白犯五
寸許天子政令不行守則兵大忌之以赦令解一曰
太子后妃有謀若乘守勾巳逆行往來主廢后妃有
大喪宮人恣去室一尺威令不行留六十日將死入
則有暴兵辰星犯之為水入則后有憂諸侯發動於

西北客星犯入天子有兵事軍餓將離外兵來出於
室兵先起者敗彗星出占同或犯之則弱不能戰出
入犯之則先起兵者勝一曰出室為大水孛犯或出
入先起兵者勝出有小災後宮亂武密曰孛出其分
有兵喪道藏所載室專主兵流星犯軍乏糧在春夏
將軍貶秋冬水溢乙巳占曰流星出入色黃潤軍糧
豐五穀成國安民樂雲氣入黃為土功蒼白大人惡
之赤為兵民疫黑則大人憂

按漢末元銅儀營室十八度唐開元游儀十六度
舊去極八十五度景祐測驗室十六度距南星去

極八十五度在赤道外八度

雷電六星在室南明動則雷電作

離官六星兩兩相對為坐夾附室宿上星天子之別
官也主隱藏止息之所動搖為主功不具天子憂太
白熒惑入兵起犯或勾已環繞為后妃各彗星犯之
有修除之事

壘壁陣十二星壁一在羽林北羽林之垣壘主天軍

營星明國安移動兵起不見兵盡出將死五星入犯
皆主兵太白辰星尤甚客星入兵大起將吏憂流星
入南色青后憂入北諸侯憂色赤黑入東后有謀入

西太子憂黃白為吉

騰蛇二十二星在室宿北主水蟲居河濱明而微國
災移向南則旱向北大水彗孛犯之水道不通客星
犯水物不成

土功吏二星在壁宿南一曰在危東北三營造宮室
起土之官動搖則版築事起

北落師門一星在羽林軍南北宿在北方落者天軍
之番落也師門猶軍門長安城北門曰北落門象此
也主非常以候兵星明大安微小芒角有大兵起歲
星犯之吉熒惑入兵弱不可用客星犯之光芒相及

為兵大將死守之邊人入塞流星出而色黃天子
出入則天子喜出而色赤或犯之皆為兵起雲氣入

蒼白為疾疫赤為兵黃白喜黑雲氣入邊將死

八魁九星在北落東南主捕獲禽獸之官也客星入
多盜賊兵起太白熒惑入守占同

天綱一星在北落西南一曰在危南主武帳宮舍天
子游獵所會客星入為兵起一云義兵

羽林軍四十五星三三而聚散出彗壁之南一曰在
營室之南東西布列北第一行三天軍軍之騎翼衛之
象星眾則國安稀則兵動羽林中無星則兵盡出天

下亂月犯之兵起歲星入諸侯悉發兵臣下謀叛必
敗伏誅太白入兵起填星入大水五星入為兵災或
太白經過天子以兵自守災或入而亡亦與兵者亡
客星入色青白為喜赤為臣叛流星入南色青亦有
疾入北諸侯憂入東而赤黑后有謀入西太子憂雲
氣蒼白入南后有憂北諸侯憂黑太子諸侯忌之出
則禍除黃白吉

斧鉞三星在北落師門東楚刈之具也主斬芻藁以
飼牛馬明則牛馬肥脂動搖而暗或不見牛馬死隋
志通志皆在八魁西北主行誅拒難斬伐姦謀明大

用兵將憂暗則不用移動兵起月入大臣誅歲星犯
相誅熒惑犯大臣戮填星入大臣憂太白入將誅客
彗犯斧鉞用又占客犯外兵被擒士卒死傷外國降
色青憂赤兵黃白吉

按步天歌已上諸星皆屬營室雷電土功吏斧鉞
晉志皆不載隋志有之壘壁陣北落師門天綱羽
林軍晉志在二十八宿外騰蛇屬天市垣武密書
以騰蛇屬營室又屬壁宿乾象新書以西十六星
屬尾屬危東六星屬室羽林軍西六星屬危東三
十九星屬室以天綱屬危斧鉞屬奎通占錄又以

斧鉞屬壁屬奎說皆不同

壁宿二星主文章天下圖書之秘府明大則王者興道術行國多君子星失色大小不同王者好武經術不用圖書廢星動則有土功日食于壁陽消陰壞男女多傷國不用賢日暈名士憂月食其分大臣憂文章士廢民多疫月暈為風水其分有憂月犯之國有憂為饑衛地有兵歲星犯之水傷五穀久守或凌犯勾巳有兵起熒惑犯之衛地憂守之國旱民饑賢不用一占王有大災填星犯守圖書興國主壽天下豐國用賢一占物不成民多病逆行成勾巳者有土功

六十日天下立王太白犯之一二十許則諸侯用命守之文武並用一曰有軍不戰一曰有兵喪一曰水災多風雨一曰犯之多火災辰星犯國有蓋藏保守之事王者刑法急守之近臣憂一曰其分有喪有兵姦臣有謀逆行守之橋梁不通客星犯之文章士死一曰有喪入為土功有水守之歲多風雨舍則牛馬多死彗星犯之為兵為火一曰大水民流孛犯為兵有火水災流星犯文章廢乙巳占曰若色黃白天下文章士用赤雲氣入之為兵黑其下國破黃則外國貢獻一曰天下有烈士立

按漢永元銅儀東壁二星九度舊去極八十六度
景祐測驗壁二星九度距南星去極八十五度
天廐十星在東壁之北主馬之官若今驛亭也主傳
令置驛逐漏馳驚謂其急疾與晷漏競馳也月犯之
兵馬歸彗星入馬廐火客星入馬出行流星入天下
有驚

霹靂五星在雲雨北一曰在雷電南一曰在土功西
主陽氣大盛擊碎萬物與五星合有霹靂之應

雲雨四星在雷電東一云在霹靂南主雨澤成萬物
星明則多雨水辰星守之有大水一占主陰謀殺事


孳生萬物

鐵鑕五星在天倉西南刈具也主斬芻飼牛馬明則

牛馬肥微暗則牛馬饑餓

按步天歌壁宿下有鐵鑕五星晉隋志皆不載隋
志八魁西北三星曰鐵鑕又曰鐵鉞其占與步天
歌室宿內斧鉞略同恐即是此誤重出之霹靂五
星雲雨四星晉志無之隋志有之武密書以雲雨
屬室宿天廐十星晉志屬天市垣其說皆不同

志卷第三



志卷第四

宋史五十一

開府儀同三司柱國錄軍國重事前中書右丞相監修國史張維是事即張浚也

勅脩

天文四 二 下

西方奎宿十六星天之武庫一曰天豕一曰封豕主以兵禁暴又主溝瀆西南大星曰大豕目亦曰大將明動則兵水大出日食魯國凶邊兵起及水旱日暈為兵為火月食聚斂之臣有憂月暈兵敗羅貴將戮人疾疫月犯之其分亂歲星犯之近臣為逆守之蟲為災人民饑盜起多獄訟又守北兵降色潤澤大熟

守二十日以上兵起魯地逆行守之君好兵民流亡
熒惑犯之環繞三十日以上將相凶大水民流守二
十日以上魯地有兵動搖進退有赦令歲大熟留臣
下專權多獄訟守百日以上多盜填星入犯吳越有
兵一曰齊魯一曰兵喪守之有貴女執政出入水泉
溢太白犯之大水有兵霜殺物入則外兵入國晝見
將相死辰星犯之江河決有兵為旱為人守之王者
憂兵旱客星犯之有溝瀆事守則王者有憂軍敗賊
臣在側入之破軍殺將舍留不去去人讖出則為謀
臣惑天子彗犯為饑為兵喪出則有水災星守之其

下兵出民饑國無繼嗣出則西北有兵起流星入犯
之有溝瀆事破軍殺將乙巳占流星出入色黃白光
潤文昌武偃赤如火光作聲為弓弩用一曰入則有
聚眾事赤雲氣入犯為兵黃為天子喜黑則大人有
憂

按漢永元銅儀以奎為十七度唐開元游儀十六
度舊去極七十六度景祐測驗同

天濶七星在外屏南主天厠養豬之所一曰天之厠
濶也暗則人不安移徙則憂

上司空一星在奎南一曰天倉主土事凡營城邑浚

溝洫修隄防則議其利建其功四方小大功課歲盡則奏其殿最而行賞罰星大色黃則天下安五星犯之男女不得耕織禁客犯之水旱民流兵大起土功興客星守之有土功哭泣事黃雲氣入土功興移京邑

策一星在王良北天不僕也主執策御流星慧孛客星犯之皆為大兵起天子自將于野近之下有謀亂者

附路一星

附傳一

在閣道南旁別道也一日在王良東

主大僕主禦風雨芒用則車騎在野星亡有道路之

變不具則兵起太白熒惑入兵起慧孛犯之道路不

通客星入馬賤蒼白雲氣入大僕有憂亦為大僕

白大僕受賜黑為大僕死

閣道六星在王良前飛道也從紫宮至河神所乘也

一曰主輦閣之道天子游別宮之道也是不見則輦

閣不通動搖則宮掖有兵慧孛客星犯之主不安國

有喪白雲氣入有急事黑主有疾黃則天子有喜

王良五星在奎北居河中天子奉車御官也其四星

曰天駟旁一星曰王良亦曰天馬星動則車騎滿野

一曰為天橋主禦風雨水道星不具或客星守之津

梁不通與閣道近有江河之變星明馬賤暗則馬災
太白熒惑入守為兵彗客犯之為兵喪天下橋梁不
通流星犯大兵將出青雲氣入犯之王良奉車憂墜
車雲氣赤王良有斧鑕憂

外屏之星在奎南主障蔽真穢

軍南門在天大將軍出天大將軍之南門也主誰何
出入星不明外國叛動搖則兵起明則遠方來貢

按步天歌以上諸星俱屬奎宿以晉志考之王良
附路閣道軍南門策星俱在天市垣別無外屏天
淵土司空等星隋志有之而武密以王良外屏天

淵皆屬于壁或以外屏又屬奎乾象新書以王良
西一星屬壁東四星屬奎外屏西一星屬壁東六
星屬奎與步天歌各有不合

婁三星為天獄主苑牧犧牲供給郊祀亦為興兵聚
衆明大則賦歛以時星直則有主執命者就聚國不
安日食于婁宰相大人當之郊祀神不享日暈有兵
六人多死月食其分后妃憂民饑月暈在春百八十
日有赦又為糴貴三日內雨解之月犯多敗獵其分
憂將死民流一曰多寇獄歲星犯之牛多死米賤有
赦守之國安一曰民多疫六畜貴有兵自罷熒惑犯

守為旱為火穀貴又曰守二十日以上大臣死星動人多死若逆行入成勾巳者國廩災填星犯之天子戒邊境不可遠行將兵凶守之穀豐民樂若逆行女謁行留舍于婁外國兵來太白犯之有聚眾事守之期三十日有兵民饑辰星犯之刑罰急多水旱大臣憂王者以赦除之守而芒角動搖色赤黑者臣下起兵客星犯為大兵守之五穀不成又曰臣惑主專政歲多獄訟環繞三日大赦彗星犯之民饑死出則先旱後水穀大貴六畜疾倉廩空又曰國有大兵星守其分為兵為饑流星出犯之有法令清獄青赤雲氣

入為兵喪黑為大水

按漢永元銅儀以婁為十二度唐開元游儀十二度舊去極八十度景祐測驗婁宿十二度距中央大星去極八十度在赤道內十一度

天倉六星在婁宿南倉穀所藏也待邦之用星近而數則歲熟粟聚遠而疏則反是月犯之主發粟五星犯兵起歲饑倉粟出熒惑太白合守軍破將死熒惑入軍轉粟千里近之天下旱太白犯之外國人相食兵起西北辰星守之大水客星犯之五穀不成客星入歲饑糴貴流星入色赤為兵犯之粟以兵出色黃

白歲大稔蒼白雲氣入歲饑赤為兵旱倉廩災黃白
歲大熱

右更五星在婁西秦爵名主牧師官星不具天下道
不通太白熒惑犯守三澤兵起

左更五星在婁東亦秦爵名山虞之宮主山澤林藪
竹木蔬菜之屬亦主仁智占同右更

天大將軍十一星在婁北主武兵中央大星天之
大將也外小星吏士也動搖則兵起大將出小星動搖

或不具亦為兵旗直揚者隨所擊勝五星犯守大憂
客星守之大將不安軍吏以饑敗流星入大將憂蒼

白雲氣犯之兵多疾赤為兵出

天庾四星在天倉東南主儲積占與天倉同

按晉志天倉天庾在二十八宿之外天大將軍屬

天市垣左更右更惟隋志有之乾象謂之以天倉

屬奎武密亦以屬奎又屬婁步天歌皆屬婁宿

胃宿三星天之厨藏主倉廩五穀府也明則天下和

平倉廩實民安動則輸運暗則倉空就聚則穀貴民

流守星衆熱聚星小穀散芒則有兵日食大臣諫

曰乏食其分多疾穀不實又曰有委輸事日暈穀不

熟月食后王有憂將亡亦為饑郊祀有咎月暈兵先

動者敗姪婦多死又曰國主死天多雨或山崩有破
軍歲星在暈內天下有德令月暈在四孟之月有赦
熒惑在暈中為兵月犯之鄰國有暴兵天下饑外國
憂穀不實民多疾變色將軍凶歲星犯之大人憂兵
起守則國昌入則國令變更天下獄空若逆行五穀
不成國無積蓄熒惑犯之兵亂倉粟出貴人憂守之
旱饑民疫客軍大敗入則改法令牢獄空進退環繞
旬已凌犯及百日以上天下倉庫並空兵起彗星犯
之大臣為亂守之無蓄積有德令歲穀大貴若逆行
守旬已者有兵色赤兵起流血青則有德令辰星犯

其分不寧守之有兵國有立候巫咸曰為旱穀不
有急兵又逆行守之倉空水災客星犯之王者憂
虜用退行入則有赦守之強臣凌國穀不熟粟之為
火舍而不去人饑出其分君有憂彗星犯之兵動臣
叛有水災穀不登星守其分兵起王者惡之流星犯
之倉庫空色赤為火災倉白雲氣出入犯之以喪糴
粟事黑為倉穀散腐青黑為兵黃倉實

按漢永元銅儀胃宿十五度景祐測驗十四度
天困十三星如乙形在胃南倉廩之屬主給御廩染
盛星明則豐稔暗則饑月犯之有移粟事五星犯之

倉庫空虛客彗入倉庫憂水火焚溺青白雲氣入歲
饑民流亡

大陵八星在胃北亦曰積京主大喪也中星繁諸侯
喪民疫兵起月犯之為兵為水旱天下有喪月暈前
足大赦五星入為水旱兵喪熒惑守之天下有喪客
彗入民疫流星出犯之其下有積尸蒼白雲氣犯之
天下兵喪赤則人多戰死

積尸一星在大陵中明則有大喪死人如山月犯之
有叛臣五星犯之天下大疾客彗犯有大喪蒼色雲
氣入犯之人多死黑為疫

天船九星在大陵北河之中天之船也王通濟河涉
石中曰不在漢中津河不通明則天下安不明及移
徙天下兵喪日犯之百川流溢津梁不通五星犯之
水溢民移客彗星犯之為大水客星犯為水為兵青
雲氣入天子憂不可御船赤為兵船用黃白天子喜
天廩四星在昴宿南一曰天廩主蓄粟稷以供享祀
春秋所謂御廩北之象也又王賞功掌九穀之要明
則國實歲豐移則國虛黑而稀則粟腐敗月犯之穀
貴五星犯之歲饑客星犯倉庫空虛流星入色青為
憂赤為旱為火黃白天下熟青雲氣入蝗饑民流赤

為旱黑為水黃則歲稔

積水一星在天船中候水災也明動上行舟船用焚惑犯有水

按晉志大陵積尸天船積水俱屬天市垣天園天廩在二十八宿之外武密以天園大陵屬婁爻屬胃天船屬胃又屬昴乾象新書天園五星屬婁餘星屬胃大陵西三星屬婁東五星屬胃與步天歌互有不同

昴宿七星天之耳也主西方及獄事又為旄頭北星也又主喪昴畢間為天街天子出旄頭旱畢以前驅

此其義也黃道所經明則天下牢獄平六星皆明與大星等為大水七星皆黃兵大起一星亡為兵喪搖動有大臣下獄及有白衣之會大而數盡動若跳躍者北兵大起一星獨跳躍而動北兵欲犯邊日食王者疾宗姓自立又占邊兵起日暈陰國失地北主憂趙地凶又云大饑月食大臣誅女主憂為饑邊兵起將死北地叛月歲三暈弓弩貴民饑暈在正月上旬有赦犯之為饑北主憂天子破北兵變色民流國亡下有暴兵有赦出昴北天下有福棄之法今峻大水穀不登歲星犯之獄空乘之陰國有兵北主憂守之

主急刑罰獄空一曰臣下獄有解者守其北有德令
又曰水物不成久守大臣坐法民饑留守破軍殺將
災惑犯守爲兵爲旱饑守東齊楚越地有兵守南荆
楚有兵西則兵起秦鄭北則兵起燕趙又爲貴人多
死北地不寧入則有喜有赦天下無兵守而環繞勾
已爲赦久守糴貴填星犯或出入守之北地爲亂有
土功五穀不成水火爲災民疫又爲女主失勢入則
地動水溢宗廟壞留則大將出征太白入犯之大赦
在東六畜傷在西六月有兵又曰守之北兵動將下
獄晝見邊兵起出入留在南爲男喪北爲女喪辰星

犯北主憂守之穀不成曰饑久守爲水爲兵客星犯
貴人有急北兵大敗讒人在內守之臣叛主兵起入
則其分有喪彗星犯之大臣爲亂出則邊兵起有赦
星守其分臣下亂有邊兵大臣誅流星出入犯之夷
兵起乙巳占流星入北方來朝出則天子有赦令恤
民蒼赤雲氣犯之民疫黑則北主憂青爲水爲兵青
白人多喪黃則有喜

按漢永元銅儀昴宿十二度唐開元游儀十一度
舊去極七十四度景祐測驗昴宿十一度距西南
星去極七十一度

芻藁六星在天苑西一曰在天困南主積藁之屬一曰天積天子之藏府星明則芻藁貴星盛則百庫之藏存無星則百庫之藏散月犯之財寶出辰星熒惑犯之芻藁有焚溺之患赤雲氣犯之爲火黃爲喜天陰五星主從天子弋獵之臣不明則爲吉明則禁言泄

天河一星

一作天河

在天廩星北晉志在天高星西主察

山林妖變五星客彗犯之主妖言滿路

卷舌六星在昴北主樞機智謀一曰主口舌語以知

說佞曲而靜則賢人升直而動多說人兵起天下有

口舌之害徒出漢外則天下多妄說星繁人多死月犯之天下多喪五星犯佞人在側彗客犯之侍臣憂天苑十六星在昴畢南如環狀天子養禽獸之苑明則禽獸牛馬盈不明則多瘠死不具有斬刈事五星犯之兵起客彗犯爲兵獸多死流星入色黑禽獸多死黃則蕃息雲氣占同

天說一星在卷舌中主巫醫暗則爲吉明盛人君納佞言

月一星在昴宿東南蟾蜍也主日月之應女主臣下之象又主死喪之事明大則女主大專太白熒惑守

之臣下起兵為亂孽客犯之大臣黜女主憂

礪石四星在五車星西主百工磨礪鋒刃亦主候伺

明則兵起常則吉熒惑入邊兵起守之諸侯發兵客

星守之為兵

按晉志天河卷舌天讒俱屬天市垣天苑在二十

八宿之外芻橐天陰月礪石晉志不載隋史有之

武密又以芻橐屬胃卷舌屬胃又屬昴乾象新書

以芻橐屬婁卷舌西三星屬胃東三星屬昴天苑

西八星屬胃南八星屬昴步天歌以上諸星皆屬

昴宿互有不合

畢宿八星主邊兵弋獵其大星曰天高一曰邊將圭

四夷之尉也天官書曰畢為罕車明大則遠人來朝

天下安失色邊兵亂一星亡為兵喪動搖則邊兵起

移徙天下獄亂就聚則法令酷日食邊王死軍自殺

其主遠國有謀亂日暈有邊兵下則北主憂又占有

風雨月食有赦趙分有兵或趙君憂月暈兵亂饑喪

暈三重邊有叛者七日內雨解之又為陰國有憂天

下赦犯畢大星下犯上大將死陰國憂入畢口多雨

穿畢歲饑盜起失行離于畢則雨居中女主憂又曰

犯北則陰國憂南則陽國憂歲星犯之冬多風雨又

曰為水入畢口邊兵起民饑有赦守三十日客兵起
出陽為旱陰為水熒惑犯角大戰左角小戰入則邊
兵憂守之為饑有赦成勾巳環繞大赦一曰入畢中
有兵兵罷又曰守之有畋獵事北主憂天下道路不
通入畢口有赦逆行至昴為死喪巳去還守貴臣憂
舍畢口趙國憂填星犯之兵起西北不戰守之兵有
降軍有赦一曰土功徭役煩兵起入則地震水溢守
畢口大人當之出入留舍其野兵起客軍死太白犯
右角戰敗將死入畢口將相為亂大赦國易政令諸
侯起兵為水五穀不成貫畢倉廩空四國兵起辰星

犯之邊地災入畢口國易政守之水溢民病物不成
邊兵起守畢口人為亂客星犯之人人憂無兵兵起
有兵兵罷入則多獄事守之為饑邊兵起出為車馬
急行彗星犯之北地為亂人民憂星孛其分土功興
多徭役色蒼為饑止軍黃則女為亂白為兵喪黑為
水流星犯之邊兵止戰赤色貫之戎兵大至入而復
出為赦入而黃白之光外入入貢蒼白雲氣入歲不
收赤為兵旱為火止與白天子有喜

按漢永元銅儀平十六度舊去極七十八度景祐
測驗畢宿十七度距畢口北星去極七十七度

天節八星在畢附斗南主使臣持節宣威四方明大則使忠不明則奉使無狀熒惑守之臣有謀逆或使臣死太白守之大將出客星犯之法令不行客星守持節臣有憂

九州殊口九星在天節南下曉方俗之官通重譯者也常以十一月候之亡一星一國憂二星以上天下亂兵起太白熒惑守之亦為兵客星入民憂水負海國不安有兵

附耳一星在畢下亡一聽得失伺愆邪察不祥也星盛則中國微有盜賊亡一候警外國反動搖則讒臣在君

側歲星犯之有兵歲星相喪太白犯之佞臣在側九游九星在玉井一曰在九州殊口東南北列主天下兵旗又曰天子之旗也太白熒惑犯之兵變滿野客星犯諸侯兵起禽獸多疾

天街二星在昴畢間一曰在畢宿北為陰陽之所分大象占近月星西街南為華夏街北為外邦又曰二光之道主伺候關梁中外之境明則王道正月犯天街中為中平天下安寧街外為漏泄讒夫當事民不得志不由天街主政令不行月暈其宿關梁不通熒惑守之道路絕又守國絕禮歲星居之色亦為殃或

大旱太白守之兵虛道路六夷旋頭滅一曰民饑
 天高四星在坐旗而乾象新書在畢口東北臺榭之
 高主望入方雲霧三氣今仰觀臺也不見為失禮
 守常則吉微暗陰陽不和月五星犯之則水旱不時
 乘之外臣誅月暈不出六月有喪熒惑入十日為小
 赦留三十日大赦客守守之大旱蒼白雲氣犯亦然
 諸王六星在五車南十一察諸侯存亡明則下附上不
 明則下叛不見宗廟色四方兵起熒惑入之諸王妃
 恣為下所謀守之下不信上太白熒惑犯諸王當之
 一曰宗臣憂客彗守謹侯黜

五車五星二柱九星一畢指北五帝星也又五帝之
 車舍也主天子兵起一主五穀豐耗一車主貴祿一
 車主夢一車主豆一車主黍一車主稻米西北大星
 曰天庫主太白秦分及雍州主豆東北一星曰天獄
 主辰星換趙分及幽菑共主稻東南一星曰天倉主歲
 星魯分徐州衛分并州主麻次東南一星曰司空主
 填星楚分荆州主黍粟次西南一星曰卿主熒惑魏
 分益州主麥天文錄曰太白其神令尉辰星其神風
 伯歲星其神雨師熒惑其神豐隆填星其神雷公此
 五車有變各以所主占之三柱一曰天淵一曰天休

一曰天旂欬其均明闊狹有常星繁則兵大起石申
曰天庫星中河而見天下多死人河津絕又曰天子
得靈臺之禮則五車三柱均明有常天旂星不見則
大風折木天休動則四國叛一柱出或不見兵半出
三柱盡出及見兵亦盡出柱外出一月穀貴三倍
出二月三月以次倍貴外出不盡兩閭主大水月犯
天庫兵起道不通犯天淵貴人死臣踰三月暈女主
惡之在正月為赦暈一車赦小四非五車俱暈赦殊罪
四七十月暈之為水暈十一月十二月穀貴五星犯
為旱喪犯庫星為兵起穰星入之雜貴災感入之為灾

或與歲星同填星入天庫為六為喪舍中與為大
旱燕代之地富之舍東北高蕃而幾舍西北天下安
太白入之兵大起守五車中國兵所向慣伏舍西北
為疾疫牛馬死雉酒泉分辰星入舍為水犯之兵以
水餘起客星犯則人勞庚寅日候近之為金車主兵
甲寅日候近之為水車主增價戊寅日候近之為土
車主土功丙寅日候近之為火車主旱壬寅日候近
之為水車主水溢入之色青為憂赤為祥天淵有火
水守天休左為兵右為喪黃為吉慧守犯之兵起民
流流星入甲子日主粟丙午日主麥戊寅日主豆庚

申日主賁壬戌日主柔各以其日占之而粟麥等價增白雲氣入民不安赤為兵起

天潢五星在五車中主河梁津渡星不見則津渡不通月入天潢兵起五星失度留守之皆為兵熒惑填星入之為大旱為火熒惑舍之牛馬疫為兵辰星出天潢有救客星入為兵留守則有水害蒼白或黑雲氣入為喪赤為兵白則天子有喜

咸池三星在天潢南主陂澤池沼魚鼈鳧鴨明大則龍見虎狼為害星不見河道不通月入為暴兵五星入為兵為旱失忠臣君易政守之為饑為兵客星入

天下大水流星入為邊出則兵起色蒼白而多死赤為旱白為神魚見黑為大水

彗九星一曰天旗一曰天弓同弓弩候變禦難星

如弓張則兵起明則邊寇動暗為吉又曰天弓不具

天下有兵五星犯之兵起熒惑守之下謨上諸侯起

兵一曰有邊兵太白守之兵亂客星守天下憂流星

入北地兵起雲氣犯之色青入自西北兵來期三年

天關一星在五車南亦曰天門日月之所行主邊方

主關閉星芒角為兵不與五車合大將出月歲三暈

有赦犯之有亂臣更法五星守之貴人多死歲星熒

感守之臣謀主為水為饑太白熒感守之大赦關梁
有兵太白入則大亂填星守王者雍蔽犯之臣謀主
太白失行兵起客星犯之民多疾關市不通又曰諸
侯不通民相攻客星入多盜流星犯之天下有急關
梁不通民憂多盜黃雲氣犯四方入貢
天園十三星在天苑南植菜果之處曲而鈞菜果熟
白雲氣犯之兵起

按步天歌以上諸星皆屬畢宿武密言以天節屬
昴參旗天關五車三柱皆屬觜與步天歌不同乾
象新書以天節參旗皆屬畢天園西八星屬昴東

五星亦屬畢五車北西南三大星屬畢東二星及

三柱屬參說皆不同今皆存之

觜觶三星為三軍之候行軍之戒府祿旅牧飲萬物

明則軍糧足將得勢動則盜賊行祿旅起暗則不可
用兵日食臣犯王戒在將臣暈及三重其下穀不登
民疫五重大赦期六十日月食為旱大將憂有救主
者正日月暈有故外軍不勝大將憂偏裨有死者歲
星犯之其分兵起守則農夫失業右有憂丁壯多暴
死下有叛者民多疾疫入則多盜天時下和國君誅
伐不當則逆行災惑犯之其分有叛者為旱為火為

兵起為雜貴與背觸合趙分相憂入則其下有兵填
星入犯為兵為土功其分失地文主恣則填星逆行
而色黃太白犯之兵起守之其分場令大臣叛物不
成民疫辰星犯之不可舉兵一曰趙地亦有叛者守
之趙分饑客星出入其宿青為憂赤為兵黑為水白
為喪黃白為言彗星犯之兵起出入其分失地民流
星孛之為兵亂軍破其色與客星同占濟星入犯之
有叛者有破軍災氣犯之赤為兵蒼白為兵憂黑趙
地人人有憂色黃有神寶入

按漢永元銅儀唐開元葬儀皆以背觸為三度舊

去極八十四度為北測驗背宿三星一度距西南
星去極八十四度在赤道內七度

坐旗九星在司恠西北君臣設位之表也星明則國
有禮

司恠四星在井鉞星前主候天地日月星辰變異為
獸草木之妖明王聞災修德保福星不成行列宮中
及天下多恠

按步天歌坐旗司恠俱屬紫宿武密書及乾象新言皆
屬于參

參宿十星一曰參伐一曰天市一曰大辰一曰鏡鉞

主斬刈萬物以助陰氣又為天獄主殺秉威行罰也
又主權衡所以平理也又主邊賊為九譯故不欲其
動參為白獸之體其中三星橫列者三將也東北曰
左肩主左將西北曰右肩主右將東南曰左足主後
將軍西南曰右足主偏將軍參應七將中央三小星
曰伐天之都尉主鮮卑外國不欲其明七將皆明大
天下兵精王道缺則芒角張伐星明與參等大臣有
謀兵起失色軍散敗芒角動邊有急兵起有斬伐之
事星移客伐主肩細微天下兵弱左足入玉井中兵
起秦有大水有喪山石為怪星差矣王臣貳左股星

亡東南不可舉兵右股則主西北又曰參足移北為
進將出有功徙南為退將軍失勢三星䟽法令急日
食大臣憂臣下相殘陰國強日暈有來和親者一曰
大饑月食其度為兵臣下有謀貴臣誅其分大饑外
兵大將死天下更令月暈將死人殃亂戰不利月犯
貴臣憂兵起民饑犯參伐偏將死歲星犯之水旱不
時大疫為饑守之兵起民疫六則天下更政熒惑犯
之為兵為內亂燕燕地守之為旱為兵四方不寧
逆行入則大饑星犯之有疫臣守之其下國亡姦
臣謀逆一云有喪后夫人當之逆行留守兵起太白

犯之天下發兵守之大人為亂國易政邊民大戰辰
星犯之為水為兵貴臣黜廢星與參出西方為旱大
臣誅逆守之兵起客星入犯之內有斬刈事守之
邊州失地環繞者邊將有斬刈事彗星犯之邊兵敗
君亡遠期三年貫之色白為兵喪星守于參君臣俱
憂國兵敗流星入犯之先起兵者亡乙巳占曰流星
出而光潤邊安有赦獄空青雲氣入犯之天子起邊
城蒼白為臣亂赤為內兵黃色潤澤大將受賜黑為
水災大臣憂白雲氣出貫之將死天子疾

按漢永元銅儀參八度舊去極九十四度景祐測

驗參宿十星十度右足八畢十三度

王井四星在參左足下主水泉以給庖厨動搖為憂

客星入為水為喪國失地出則國得地一云將出流

星入為大水雲氣入而色青井水不可食

屏二星一作天屏在王井南一云在參右尾星不具

人多疾不明大人寢疾星亡主多病月五星犯之為

水客星出于屏亦為大人有疾彗星犯之水旱不時

軍井四星在王井東南軍營牝主給師濟疲乏月犯

芻藁財寶出災惑入為水兵多死太白入兵動民不

安客星入憂水害

測四星在屏星東一曰在參右脚南主潤色黃為吉
歲豐青黑人士腰下有疾星不具則貴人多病客星
入為穀貴彗孛入歲饑青雲氣入為兵黑為憂黃則
天子有喜

天尿一星在天厠南色黃則年豐凡變色為蝗為水
旱為霜殺物常以秋分候之星亡不見天下荒星微
民多流

按步天歌玉井軍井厠各四星屏二星天尿一星
俱屬參宿晉志玉井在參左足武密書屬觜乾象
新書屬畢軍井晉志在二井南武密亦屬觜乾象

新書亦屬畢唐開元游儀在玉井東南屏厠天尿
晉志皆不載隋志屏在玉井南開元游儀在觜隋
志厠在屏東尿在厠南乾象新書皆屬參與步天
歌互有不合

南方東井八星天之南門黃道所經七曜常行其中
為天之亭候主水衡事法令所取平也武密占曰井
中為三光正道五緯留守若經之皆為天下無道不
欲明明則大水又占曰用法平并宿明鉞一星附并
宿前主伺奢淫而斬之明大與井宿齊則用鉞於大
臣月宿其分有風雨日食蝕地旱民流有不臣者暈

則多風雨有青赤氣在日為冠天子立侯王月食有
內亂大臣黜后不安五穀不登分有兵喪月暈為旱
為兵為民流國有憂一曰有赦陰陽不和則暈暈及
三童在三月為大水在十二月日壬癸為大赦月犯
之將死于兵水官黜刑不平犯并鉞大臣誅有水事
歲星犯之主急法多獄訟水溢將軍惡之犯并鉞近
臣為亂兵起逆行入井川流壅塞災感犯之兵先起
者殃又曰天子以水敗入守經旬下有兵貴人不安
守三十日成勾己角動色赤黑貴人當之百川溢兵
起填星入犯之兵起東北大臣憂入并鉞王者惡之

在紫而去東井其下亡地太白犯之咎在將久守其
分君失政臣為亂辰星犯之星進則兵進退則兵退
刑法平又曰北兵起威惡亡角動搖色赤黑為水為
兵起客星犯之穀不登大臣誅有土功小兒妖言彗
星犯之民讒言國失政一曰大臣誅其分兵災流星
犯之在春夏則秦地謀叛在秋冬則宮中有憂乙巳
占流星色黃潤國安赤黑秦分民流水災蒼黑雲氣
入犯之民有疾疾黃白潤澤有客來言水澤事黑氣
入為大水常以正月朔日入時候之井宿上有雲歲
之水潦

按漢永元銅儀井宿三十度唐開元游儀三十三度去極七十度景祐測驗亦三十三度距西北景去極六十九度

五諸候五星在東井北主斷疑刺舉戒不虞理陰陽察得失亦曰主帝心一曰帝師二曰帝友三曰三公四曰博士五曰太史五者常為帝定疑議星明大潤澤則天下治五禮備則光明不相侵陵暗則貴人謀上芒角孛在中歲星犯之兵起三年熒惑犯之大臣叛不成太白犯之諸侯興兵亡國經天晝見則諸侯受誅客星犯王室亂諸侯亡地彗國妖守之諸侯親

屬失位彗孛犯之執法臣誅又曰貴臣當之期一年雲氣犯之色蒼白諸侯有喪不則臣有誅戮天下有大水

積水一星在北河西北所以供酒食之正也不見為災歲星犯之水物不成魚鹽貴民饑熒惑犯之為兵為水辰星犯之為水旱客星犯之兵起大水大臣憂期一年蒼白雲氣入犯之天下有水積薪一星在積水東北供庖厨之正也星不明五穀不登熒惑犯之為旱為兵為火災客星守之薪貴赤雲氣入犯之為水災

南河三星與北河夾東井一曰天之關門也主關梁
南河曰南戍一曰南宮一曰陽門一曰越門一曰權
星主火兩河戍間日月五星之常道也河戍動搖中
國兵起河星不具則路不通水泛溢月出入兩河間
中道民安歲美無兵出中道之南君惡之大臣不附
星明為吉昏昧動搖則邊兵起遠人叛主憂月犯之
為中邦憂一曰為兵為喪為旱為疫行西南為兵旱
入南戍則民疫暈則為土功乘之四方兵起經南戍
南則為刑罰失歲星犯之北主憂熒惑犯兩河為兵
守三十日以上川溢守南河穀不登女主憂守南戍

西果不成正則有攻戰填星東南南河為旱民憂守
之為兵道不通太白舍二十日川溢一曰有姦謀守兩
河為兵起客星守之為旱為疫彗孛出為兵守為旱
流星出為兵喪邊戍有黑蒼白雲氣入之河道不通
出而色赤天子兵向諸侯黃氣入之有德令出為災
北河亦三星北河曰北戍一曰北宮一曰陰門一曰
胡門一曰衡星主水五星出入留守之為兵起犯之
為女喪乘之為北主憂歲星入北戍大臣誅熒惑從
西入北戍六十日有喪從東入九十日有兵一曰出
北戍北守之邊將有不請于上而用兵外國者勝填

星守之兵起六十日內有赦一曰有土功若守戌西
五穀不實太白舍北戌三十日為女喪有內謀守陰
門不出百日天下兵悉起辰星守之外兵起邊臣有
謀留止則兵起四方客星入犯之有喪於外姦人在
中入自東兵起期九十日入自西有喪期六十日守之
為大水流星經兩河間天下有難入為北兵入中國
關梁不通雲氣蒼白入犯之邊有兵疾疫又為北主
憂

四瀆四星在東井南垣之東江河淮濟之精也明大
則百川決

水位四星在積薪東一曰在東井東北主水衡歲星
犯之為大水一曰出南為旱災感守之田不治客星
犯之水道不通伏兵在水中一曰客星若水火守犯
之百川流溢彗孛出為大水為兵穀不成流星入之
天下有水穀敗民饑赤雲氣入為旱饑

天鐔三星在五諸侯南一曰在東井北鐔器也主盛
饘粥以給貧餒明為豐暗則歲惡

闕丘二星在南河南天下雙闕諸侯兩觀也太白熒
惑守之兵戰闕下

軍市十三星狀如天錢天軍貿易之市有無相通也

中星衆則軍餘糧小則軍饑月入為兵起主不安五星守之軍糧絕客星入則刺客起將離卒亡流星出為大將出

野鷄一星在軍市中主變恠出市外天下有兵守靜為吉芒角為凶

狼一星在東并東南為野將主侵掠色有常不欲動也芒角動搖則兵起明盛兵器貴移位人相食色黃白為凶赤為兵月犯之有兵不戰一口有水事月食在狼外國有謀五星犯之共大起多盜其孛犯之盜起客星守之色黃潤為喜黑則有憂赤雲氣入有兵

弧矢九星在狼星東南天弓也主行陰謀以備盜常屬矢以向狼武密曰天弓張則北兵起又曰天下盡兵動搖明大則多盜矢不直狼為多盜引滿則天下盡為盜月入弧矢臣逾主月暈其宿兵大起客星入南夷來降若舍其分秋雨雪穀不成守之外夷饑出入之為兵出入流星入北兵起屠城殺將赤雲氣入之民驚一曰北兵入中國

老人一星在弧矢南一名南極常以秋分之旦見于丙候之南郊春分之夕没于丁見則治平天子壽昌不見則兵起歲荒君憂客星入為民疫一曰兵起老

者憂流星犯之老人多疾一曰兵起白雲氣入之國當絕

丈人二星在軍市西南主壽考悼老矜寡以哀窮人星亡人臣不得自通

子二星在丈人東主侍丈人側不見爲災

孫二星在子星東以天孫侍丈人側相扶而居以孝慈不見爲災居常爲無咎

水府四星在東井西南水官也主隄塘道路梁溝以設隄防之備熒惑入之有謀臣辰星入爲水客星入天下大水流星入色青所主之邑大水赤爲旱

按步天歌自五諸侯至水府常星二十八坐俱屬東井武密書以丈人二星子孫各一星屬牛宿乾象新書以丈人與子屬參孫屬井又以水府四星亦屬參武密以水府屬井餘皆與步天歌合

輿鬼五星主觀察姦謀天目也東北星主積馬東南星主積兵西南星主積布帛西北星主積金玉隨變占之中央星爲積尸主死喪祠祀一曰鐵鎖主誅斬星明大穀不成不明民散鎖欲其忽忽不明明則兵起大臣誅動而光賦重役煩民懷嗟怨日食國不安有大喪貴人憂暈則其分有兵大臣有誅廢者月食

貴臣皇后憂期一年暈為旱為赦月犯之秦分君憂
一曰軍將死貴臣女主憂民疫歲星犯之穀傷民饑
君不聽事犯鬼鎖執法臣誅熒惑犯之忠臣誅一曰
兵起后失勢入則后及相憂一曰賊在君側有兵喪
勾已國有赦留守十日諸侯當之二十日太子當之
勾已環繞天子失廟填星犯之大臣女主憂守之憂
在後宮為旱為土功入鎖王者惡之犯積尸在陽為
君在陰為后左為太子右為貴臣隨所守惡之太白
入犯之為兵亂臣在內一曰將有誅貫之而怒下有
叛臣久守之下有兵為旱為火萬物不成辰星犯之

五穀不登守為有喪憂在貴人客星犯之國有自立
者敗一曰多土功入之有誑也犯鬼事彗星犯之兵
起國不安星孛其下有喪兵起宜修德攘之流星犯
鬼鎖有戮死者人則四國來貢白雲氣人有疾疫黑
后有疾憂赤為旱黃為土功入犯積尸貴臣有憂青
為病

按漢永元銅儀輿鬼四度舊去極六十八度景祐
測驗輿鬼三度距西南星去極六十八度

燿四星在鬼宿西北一曰在軒轅西主烽火備邊亭
之警急以不明為安明大則邊有警赤雲氣入天下

烽火皆動

天狗七星在狼星北主守財動移為兵為饑多寇盜有亂兵填星守之人相食客彗守之則群盜起

外厨六星為天子之外厨主烹宰以供宗廟占與天厨同

積尸氣一星在鬼宿中孛孛然入鬼一度半去極六十九度在赤道內二十二度主死喪祠祀

天紀一星在外厨南主禽獸之齒太白熒惑守犯之禽獸死民不安客星守之則政隳

天杜六星在弧矢南昔共工氏之勾龍能平水土故祀之以配社其精上為星明則社稷安不明動搖則下謀上太白熒惑犯之社稷不安客星入有祀事于

國內出則有祀事于國外

按晉志燿四星屬天市垣天狗七星在七星北武密

以天狗屬牛宿又屬輿鬼乾象新書屬井外厨六

星晉志在柳宿南武密書亦屬柳乾象新書與步

天歌皆屬輿鬼天紀一星武密書及乾象新書皆

屬柳惟步天歌屬鬼宿天杜六星武密書屬井又

屬鬼乾象新書以西一星屬井中一星屬鬼末

一星屬柳今從步天歌以諸星俱屬輿鬼而備存

衆說

柳宿八星天之厨宰也主尚食和滋味又主雷雨爾雅曰味謂之柳柳鶉火也又主木功一曰天庫又爲鳥喙主草木明則大臣謹重國家厨食具開張則人饑死亡則都邑振動直則爲兵日食官室不安王者惡之厨官橋道隄防有憂日暈飛鳥多死五穀不成三抱而戴者君有喜月食官室不安大臣憂月暈林苑有兵天下有土功厨獄官憂又爲兵爲饑爲旱疫歲星犯之國多義兵熒惑犯之色赤大而芒角其下君死一曰宮中憂火災守之有兵逆臣在側逆行守

之王不寧填星犯守君臣和天下喜石申曰天下成飲食之官出入留舍有急令太白犯之有急兵流行勾已臣謀主晝見爲兵辰星犯之民相仇歲旱君戒在酒食客星犯之卦在周國守則布帛魚鹽貴色蒼白殺邊地諸侯彗星犯之大臣譏爲兵爲喪星孛于柳南夷叛甘德曰爲兵爲喪流星出犯之周分憂色黃爲喜入則王者內有火災己巳占出則宗廟有喜賢人用入爲天厨官有憂木功廢赤雲氣入爲火黃爲赦黃白爲天子有喜起宮室

按漢永元銅儀以柳爲十四度唐開元游儀十五

度舊去極七十七度景祐測驗挪八星一十五度
距西頭第三星去極八十三度

酒旗三星在軒轅右角南酒官之旗也主宴享飲食
星不具則天下有大喪帝王宴飲沉昏非禮以酒亡
國明則宴樂謹五星守之天下大酺有酒肉賜宗室
熒惑犯之飲食失度太白犯之三公九卿有謀客禁
犯主以酒過為相所害亦雲氣入君以酒失

按晉志酒旗在天市垣赤天歌以酒旗屬柳宿以
通占鏡考之亦屬柳又屬七星乾象新書亦屬七
星與步天歌不同今並存之

七星七星一名天都主衣裳文繡又主急兵故星明
王道昌暗則賢良去天下空動則兵起離則易政蓋
天曰七星為朱雀頸頸者文明之粹羽儀所承日食
其宿主不安刑在門戶之袖又曰文章士受誅其分
兵起臣為亂日暈周邦君憂青色抱而順在兵為東
軍言月食后及大臣有憂又為歲饑民流其國更政
暈其地旱獄官凶歲星犯之王憂兵五穀多傷熒惑
犯之橋梁不通逆行則地動為火災出入留舍其國
失地水決填星犯守世治平王道興后夫人喜太白
犯之兵暴起大臣為亂經天防詐偽辰星犯之賊臣

在側守則其分有憂萬物不成兵從中起貴臣有罪
民疫流亡客星犯之為兵荊州占云河水決民流彗
犯有亂兵起貴臣戮武密曰彗星出七星狀如杵為
兵星孛于星有亂兵起宮殿貴臣戮大臣相譖流星
犯之為兵憂又曰入則有急使來已巳占流星入庫
宮有喜錦繡進女工用蒼白雲氣入貴人憂出則天
子用急使赤入為兵黑為賢士死黃則遠人來貢白
為天子遣使賜諸侯帛

按景祐測驗七星七度距大星去極九十七度
軒轅十七星在十星北后妃之主士職也一曰東陵

一曰權星主雷雨之神南天星女子也次北一星
人也屏也上將也次北一星妃也次將也其次諸星
皆次祀之屬也女主南小星女御也左一星少民后
宗也右一星大民太后宗也欲其色黃小而明武密
曰后妃後宮之象陰陽交合感為雷激為電和為雨
怒為風亂為霧凝為霜散為露聚為雲氣正為虹蜺
離為背璜分為抱珥此二十四變皆權主之微細則
皇后不安黑則憂在夫人移徙則民流東西角六張
而後后族敗月入之女主失勢或火災犯左右角六
臣以罪免中犯乘守大民為饑太后宗有罪守少民

小有饑女主失勢守御女有憂月暈女主有喪月五星凌犯環繞乘守皆為女主有禍月食女主憂歲星犯之女主失勢一曰大臣當之乘守大民為大饑太后宗黜中犯乘守少民為小饑後宮有黜者災惑犯守勾已后妃離德犯御女天子僕妾憂犯六民少民憂在后宗守之宮中有戮者填星行其中文主失勢有妾太白犯之皇后失勢客星犯之近臣謀滅宗族彗孛犯女主為寇泗曰兵起流星入之後宮多讒亂乙巳占流星出之后有中使出一曰天子有子孫喜天稷五星在七星南晨正也取百穀之長以為號明則歲豐暗或不具為歲終饑天下荒歉客星入之六祠事于內出有祠事于國外

天相三星在七星北一曰在酒旗南丞相大臣之象武密曰占與相星同五星犯守之后妃將相憂彗客犯之六臣誅雲氣入黃為大臣喜黑為將疾

內平四星在三台南一曰在中台南執法平罪之官明則刑罰平

按軒轅十七星晉志在七星北而列于天市垣武密以軒轅屬七星又屬柳乾象新書以西入星屬柳中屬七星末屬張天稷五星晉志在七星南

密亦以天稷屬七星又屬柳乾象新書以司三
屬柳餘屬七星天相三星晉志在天市垣武密書
屬七星乾象新書屬軫宿內平四星晉志在天市
垣武密書屬柳乾象新書屬張步天歌屬七星諸
說音不同今並存之

張宿六星主珍寶宗廟所用及衣服又主天厨飲食
賞賚之事明則五行五禮得天中動則賞賚不明
王者子孫多疾移徙則天下有逆就聚則有兵日食
為王者失禮寧御饑者憂甘德曰后失勢貴臣憂期
七十日暈及有黃氣抱日主功臣効忠又曰財寶大

臣黜將相憂月食其分饑臣失勢皇后有憂暈為水
災陳卓曰五穀魚鹽貴巫咸曰后妃惡之宮中疫月
犯之將相死其國憂歲星入犯之天子有慶賀事守
之國大豐君臣同心三十日不出天下安寧其國升
平熒惑犯之功臣當封入則為兵起又曰色如四時
休王其分貴人安社稷無虞又曰熒惑春守諸侯叛
逆行守之為地動為火災又曰將軍驚上功作又曰
會則不可用兵填星犯之為女主飲■宴過度或宮
女失禮入為兵出則其分失地守之有土功太白犯
之國憂守之其國兵謀不成石申曰國易政舍留其

國兵起辰星犯守五穀不成兵起大水貴臣負國民
疫多訟芒角臣傷其君入爲火災出則有叛臣客星
犯之天子以酒爲憂守之周楚之國有隱士出入于
張兵起國饑舍留不去前將軍有謀又曰利起兵彗
星犯之國用兵民亡守爲兵出爲旱又曰犯守軍欲
移徙宮殿星孛于張爲民流爲兵大起乙巳占流星
出入宗社昌有赦令下臣入賀蒼白雲氣入之庭中
觴客有憂黃白天子因喜賜客黑爲其分水災色赤
天子將用兵

按漢永元銅儀張宿十七度唐開元游儀十八度

舊去極九十七度景祐測驗張十八度距西第二
星去極一百三度

天廟十四星在張宿南天子祖廟也明則吉微細其
所有兵軍食不通客星中犯之有白衣會兵起又曰
祠官有憂武密曰與虛梁同占

按天廟十四星晉志雖列于二十八宿之外而亦
曰在張宿南與隋志所載同兼與步天歌合

翼宿二十二星天之樂府主俳倡戲樂又主外夷遠
客負海之賓星明大禮樂興四國賓動搖則蠻夷使
來離徙天子將舉兵日食王者失禮忠臣見譖爲旱

災暈爲樂官黜上有抱氣三敵心欲和月食亦爲忠
臣見譖飛蟲多死北方有兵女主惡之石申曰大臣
有謀月犯之國憂其分有兵大將亡女主惡之歲星
犯五穀爲風所傷守之王道具將相忠文術用逆行
入之君好畋獵災惑犯之其分民饑臣下不從命邊
兵起出入留舍爲兵守之佞臣爲亂填星犯之大臣
憂守之主聖臣賢歲豐后有喜出入留舍兵起逆行
則女主失政太白入或犯之皆爲兵起出入留舍大
風水災其分君不安舍左爲旱守犯勾巳凌突則大
臣專君令辰星令抵下臣爲亂伏誅守之旱饑民流

龍蛇見守其中兵大起同見西方大臣憂客星入犯
之國有兵大臣憂一曰負海國有使來守之爲兵
起彗星犯之大臣憂國有兵喪星孛丁翼亦爲大臣
憂其分失禮樂出則其地有謀下有兵喪芒所指有
降人流星犯之亦爲憂在大臣出則其下有兵入爲
貴臣囚繫乙巳占曰流星入天下賢士入見南夷來
貢國有賢臣赤雲氣出入有暴兵黃而潤澤諸侯來貢
黑爲國憂

按漢永元銅儀翼宿十九度唐開元游儀十八度
舊去極九十七度景祐測驗翼宿一十八度距中行

西第二星去極百四度

東甌五星在翼南蠻夷星也天文錄曰東甌東越也今永嘉郡永寧縣是也芒角動搖則蠻夷叛太白熒惑守之其地有兵

按東甌五星晉志在二十八宿之外乾象新書屬張宿武密書屬翼宿與汝天歌合

軫宿四星王家宰輔駐車騎主載任有軍出入皆占下軫又主風占死喪明大則車駕備移徙天子有憂就聚則兵起轄二星傳軫兩旁主王侯左轄為王者同姓右轄為異姓星明兵大起遠軫凶轄舉南蠻侵

車無轄國有憂日食憂在將相戒車駕之官一曰后不安帶而生背氣其下兵起城拔視背所向擊之勝又曰王者惡之月食后及大臣憂月暈有兵歲旱多大風歲星犯之為火災為民疫大臣憂主庫者有罪入則其國將死守之國有喪七日不移有赦又曰君有憂熒惑犯之有亂兵入軫將軍為亂水傷稼民多妖言逆行為火為兵填星犯之為兵為土功入則兵敗逆行女主憂出入舍留六十日兵起大旱太白犯之為兵起得地入為兵守之亡地將憂起左角逆行至軫失地經天則兵滿野辰星犯之民疫大臣憂中

國有貴喪守之大水入則天下以火為憂一曰國有
喪客星犯之為兵為喪入則有土功糴貴諸侯使來
出則君使諸侯守之邊兵起民饑守轄軍吏憂彗星
犯之為兵為喪色赤為君失道又曰天子兵起王公
廢黜星孛于軫亦為兵喪又曰下謀上主憂流星犯
之有兵起亦有喪不出一年庫藏空春夏犯之為皮
革用秋冬為水旱不調

按漢永元銅儀以軫宿為十八度舊去極九十八
度景祐測驗亦十八度去極一百度

長沙一星在軫宿中入軫二度去極五百度主壽命

明則君壽長子孫昌

青丘七星在軫東南蠻夷之國號星明則夷兵盛動
搖夷兵為亂守常則吉

軍門二星在青丘西一曰在土司空北天子六宮之
門主營候設豹尾旗與南門同占星非其故及客星
犯之皆為道不通

噐府三十二星在軫宿南樂噐之府也明則八音和
君臣平不明則反是客彗犯之樂官誅赤雲氣掩之
天下音樂廢

上司空四星在青丘西主界域亦曰司徒均明則天

下豐微暗則稼穡不登太白熒惑犯之男女廢耕桑
客彗犯之為兵起民流

按步天歌以左轄右轄二星長沙一星軍門二星
土司空四星青丘七星嚳府三十二星俱屬軫宿
晉志惟轄星長沙附于軫餘在二十八宿之外乾
象新書以軍門嚳府土司空屬翼青丘屬軫武密
畫以軍門屬翼餘皆屬軫今從步天歌而附見諸
家之說

志卷第四

